

non dovessero odedir, et si procedesse più oltra, che in tal caso li poteseno tuorli la vita, non obstante che dicto hordene *in scriptis* già quatro zorni gli fusse mandato.

480 *A di 20 ditto, a hore 3 de d.* Finite et facte tutte le provisione necessarie per dover investir, re-
duta tutta l'armata al vento, el qual *solum* se aspet-
tava, l'armata inimicha se levò, et con remorchi se
tiravano in mare per andar al vento, de subito la
magnificentia di misier fece la nostra fazesse lo si-
mile, et in mare posti nulla manchava salvo il ven-
to dil qual eramo sorani; or non parendo più de in-
dusiari rendessemo la volta, li nimici fe' lo simile ti-
randosi a terra. Or se afforzò un pocho de vento assai
prospero, *tandem* essendo per investir, il vento ne
saltò in prova, a li inimici in pope, di che esistimo
fusse volontà divina per li nostri gran pechati, *tamen*
fo combatuto assai rasonevolmente, facta la rivolta de
l'armata nostra per la Dio gracia alcun danno, salvo
de le caravelle da fuoco come ho dicto se brusò
senza proficuo, de l'inimici de sentia 10 legni a
fondi senza scampo de persona, salvo alcuni vivi,
presi 5 galie, 2 galiote, 3 palandarie, et ne fraeassò
assai, prexa l'altra volta de la punta de Chiarenza,
et li sorti nui su le volte per star a vento, saltò una
fortuna de syrocho con pioza che fo una pietà, *ta-*
tamen per la volontà di Dio a l'armata nostra non fè
danno alcuno, *solum* che si mezz' hora avanti dita
nembaiza fusse messa senza dubia l'armata inimicha
non l'harìa aferrà, et saria andà in dispersia, ma
cussi a Dio à piazesto, *sit nomen Domini benedictum*.
Et non obstante *hoc* una galiaza de l'inimici, la qual
havea roto uno penom, et mal conditionata, non
potè aferar et tolse il vento in pope, a la qual se
mosse driedo 7 di le galie grosse nostre le qual ha-
veriano prexo una armada, et al tempo quando fur-
no apresso per investir andorno a poza, che per Dio
ogni piccola cossa chi la tochava la mandavamo a
fondi, *tamen* li parse di far cussi: non voglio scriver
li nomi de' patroni per esserne de capitani et per
altro respeto, ma son zerto per altra via lo inten-
dereti per non essere cossa da tazere. De sopra ho
dicto et più vi replichò se a mi stesse el cargo prin-
cipale non me oseria con tutta l'armata nostra a
tuor una imprexa contra tre nave senza homeni, a
quel ch'io veduto et ch'io vedo, perhò a tal impresa,
sempre con ogni riverentia parlando, se voria far
homeni e non femene, ghe vuol altro a uno valente
capitano che essere sagio, valente, sollicito et aventu-
roso, ghe vol obedientia et forze, et si è poché alme-
no buone. Non posso parlare et mancho scrivere,

solum per uno respeto non più aziò la pena non
cora.

Insuper avanti tal imprexa, la magnificentia di
misier fe' metter in ferì Andrea Castelan ammirajo
de le galie di Barbaria, et meritamente per essere
una femena senza cor, et esser sta causa de sean-
dolo in la prima bataglia; lui merita ogni male, ma
più, etc.

A di 21 ditto, a hore do de d. Si rendesseno li
magnifici provedadori con l'ammirajo dal magnifico
capitano di Franza con la magnificentia di misier,
substantialiter al fatto di poter obviare che lo ini-
mico non prosperi, et che non passa più oltra, la qual
cossa par a me difficile, et fu fate assà provisione e
preparation che subito cesasse la pioza, che tutta la
note fina ad hora ha piovesto e piove, è de inve-
stire maxime per nui essere soravento, de che prego
Idio sia con nui e acresca li cori: quel che seguirà
vostra magnificentia de subito lo intenderà; dinotan-
dovi che la causa che la magnificentia di misier è
stà cussi lento in expedir lettere a Venecia è sta pur
con speranza de scrivere qualche bona nova e non 480
nove da attristare e tribulare quella amena et religiosa
patria la qual pena assai etc. *Tamen* le cosse andando
a la longa gli ha parso quel ch'è sta de dinotarlo; se
farà ogni diligentia che lo inimicho non passi con
conservatione de l'armata nostra, *tamen* Dio fazi
quello li piazze *quia ipse est Dominus fortis et potens*
in praelium, ma passa quando voglia, il terzo dico la
mità non passerà, che fina ad hora tra scampati, morti
presi et mal menati è più de l'armata, et maxime de
le monition, et li rimanenti navilii non sono senza
macula: vero è che questo non saria a sodisfa-
tion nostra, *tamen qui fecit quod potuit legem adim-*
plevit. Per alcuni turchi presi se à inteso come
eri da matina azonse soccorso a l'armata turche-
scha 1500 gianizari e 500 schiavi trati da la Morea,
da remo.

In questa matina ne l'alba una saietta andò nel
alboro de le galie grosse, patron misier Lorenzo Pa-
squaligo, è mal conditionado, credo se aiuterà con
penoni. Non altro. Si troppo son prolisso nel scriver,
il fazo per non manchar a vostre magnificentie aziò
le habi particolarmente la verità dil tutto, *solum* mi
mancha a dinotar in che affanni si trova la magnifi-
centia di misier, homo di sua età dormir in curazina
e de di in di vestir de ferro; non voglio seguir più
oltra si perchè existimo vostre magnificentie lo com-
prenda, come *etiam* per non ponervi fastidio, perhò
che so ne haveti a suficientia, *tamen* per Dio gratia
sua magnificentia sta assà bene. Fate frequentar le